



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Д. Французский
Политический

1903р.

891.99

4 31

191.42.3

100г

ф-3р

31489

Энциклопедия
и искусство

1903

куча - 3697 / 1/179

| | | | |
|--|--|--|--|
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |

891.542-3

Կ-31

Կ. ՓԼՓԱԶԵՆ

Խ Ե Ն Թ Ը

(Մե իւրօրի իշխանահարանից)


ԵՒ


ՈՒՐԻՑ ՊԱՏՄԻԱԾՔՆԵՐ

ԳԻՆ Է 10 407.

№ 3.

1903





33
891.99

4-31 Վ. ՓԲ ՓԲԶԵՐԵՆ

13 APR 2011

ԱԿ

Խ Ե Ն Թ Ը

(ՄԻ ԽԵԼՕՔԻ ՅԻՀԱՏԱԿԱՐԱՆԻՑ)

1007
ԿՅԻՆ

ԵԻ

ՌԻՐԻՇ ՊԱՏՄԻԱՆՔՆԵՐ

187

ԹԻՖԼԻՍ

Տպարան Մսիսեա Վարդանեանցի

1903



28.08.2012

59.999

13 APR 2012

Խ Ե Ն Թ Ը

(Մի խելօրի յիշատակարանից.)


Дозволено Цензурою. 14 Августа 1903 г. Тифл.

Ի

Վաղուց էի կասկածում, որ նա խենթ պիտի եղած լինէր: Մանկութիւնից նրա մէջ ինչ որ այլանդակ բաներ էին անցնում: Դրացի էինք և փոքր հասակում խաղում միմեանց հետ: Չատ չարն էր, երբէք հանգիստ նստել չըզիտէր. գոհունակութիւն ասած բանը չէր ճանաչում: Ամենայն ուժով, մտքի ամբողջ կենարոնացումով՝ կրճգատէր մի բանի. գլուխը կըկոտրէր, որ այդ ուզած բանին հասնի և երբ նրա տէրը լինէր, իսկոյն կըսկսէր արիւրել:

— Իսկ այն կողմն ինչ կայ. կըհարցնէր միշտ:

Ես երբէք չըհասկացայ նրան:



Աշխոյժ էր և կրակոտ. այնպէս անհամբեր, որ Աստուած ազատի: Բանն այն է, որ իւր տան մէջ էլ նրան չէին սիրում, որովհետև ոչ մի անկիւն չէր թողնիլ, որ ծածուկ մնար իրան:

Հետաքրքիր էր, ոչ մի արգելքի առաջ կանգ առնել չըզլիտէր. կոտորում էր կողպէքներ, դռներ և ինչ որ ուզում էր տեսնել—տեսնում էր, յետոյ էլ գնում ծնողների մօտ և պարծենալով ասում, որ տեսել է ամեն ինչ:

Հէնց որ մի բարձր տեղ, մի բարձր ծառ, մի տանիք տեսնէր, կըկպչէր մեր օձիքից, որ բարձրանանք այնտեղ: Դա իւր մեծ ախտն էր:

Անպիտանը... վախ ասած բանը չունէր: Կապիկի պէս բարձրանում էր եկեղեցիների գմբէթների վրայ... Մի խօսքով, ճղային դրութեան մէջ էր ընկնում եթէ տեսնում էր մի բարձր տեղ, ուր չէր բարձրացել ինքը: Ասացի, որ մեզ էլ էր ուզում քաշ տալ իւր ետևից: Վայ էր եթէ վախ յայտնէինք և կամ չըբարձրանայինք: Բոլորիս հետ կըկուէր. եթէ ծեծ անգամ ուտէր՝ էլի կըկուէր, կընախատէր, վախկոտ կըկոչէր...

Բանը նրանումն է, որ ծառի վրայ մագըլցել չըզլիտէր.— «Կապիկ խօ չեմ կամ կատու» —կասէր, յետոյ կըթար մի սանդուխք կըզըտնէր, արիւն-քրտինք մտնելով քաշ կըտար

ծառի մօտ, կըկոթնեցնէր նրան և կըբարձրանար:

Այդ բոլորը նրա ոյժից վեր էին, բայց նա անում էր զարմանալի յարատուութեամբ. Քրտինքն աղբիւրի պէս հոսում էր երեսն ի վար, աչքերը մեծանում էին, քունքի երակները ուռում, բայց նա ձեռքից սանդուխք բաց թողնել չըզլիտէր: Քաշ էր տալիս իւր փոքրիկ ձեռներով. եթէ յոգնում էր, կանգ էր առնում և սանդուխքի կողքին նստում, քիչ շունչ առնելուց յետոյ նորից ելնում և չէր դադարում, մինչև որ ծառի ծայրը չըբարձրանար:

Երբ հասնում էր ծայրին, ընտրում էր ամենաբարձր ձիւղը—չէր էլ վախենում, որ կոտրւի—գնում էր գէպի նա, հեծնում և ժամերով, զմայլմամբ բարձրերը դիտում: Պատահում էր, որ նրան շարշարելու համար սանդուխքը ետ էինք քաշում և ցած ձգում, երբ նա ծառի վրայ էր: Չէր յուզում. ուտերն էր թոթուում, արհամարհաբար ժպտում ու շարունակում հիացումով հօրիզօնը դիտել:

Խենթ էր, Աստուած վկայ, հէնց մանկութիւնից սկսած, խենթ էր նա:

Ծնողները միշտ ծեծում էին նրան՝ այդ բարձրանալու ախտի համար: Յիշում եմ, որ մի անգամ էլ ծառի կէսիցը ցած գլորեց և երկու շարաթ անդամալոյժի պէս պառկեց:

Բայց երբ լաւացաւ, իւր առաջին գործն

էր նոյն ծառը բարձրանալ. և մինչև որ նրա ծայրին չըհասաւ, ձեռք չըբաշեց նրանից:

Մեր տան կողքից սկսած բարձրանում էր մի լեռ: Ձատ բարձր չէր այդ լեռը. աւելի մի մեծ բլրակ էր և բաւական հեշտ՝ վրան ելնելը: Գազաթին ունէր մի ժայռ: Եթէ Հայկը—այդպէս էր նրա անունը—կորսւած լինէր, պէտք էր այդ ապառաժի վրայ փնտռել նրան: Պառկում էր նա այնտեղ և դէմքը երկնքին դարձրած՝ դիտում անհունութիւնը:

Յիշում եմ, որ մի անգամ հայրը բարկացած զնաց ինձ հետ նրա ետեւից և ականջները սաստիկ ոլորեց: Հայկը ասես լաց եղաւ. երբէք. այլ երբ հայրը մի քանի նախատինքների տեղալուց յետոյ՝ ձեռքիցը բռնած իջնում էր—հարցրեց.

—Հայրիկ, այն ամպերից յետոյ ինչ կայ...

Միասին էր որ ուսումնարանի մտանք: Ուսումնարանումն էլ նա նոյն խենթը մնաց:

Այնպիսի դժար, անհասկանալի հարցումներ էր տալիս վարժապետներին, որ նըրանք համբերութիւնից դուրս էին գալիս և երբեմն էլ սաստիկ պատժում նրան: Գասերը սովորելու մէջ շատ ընդունակ էր, միայն թէ ոտանաւորներ չէր սիրում սերտել:

Հակառակի պէս էլ մի վարժապետ ունէինք, որ անդադար ոտանաւորներ էր անգիր

անել տալիս և եթէ բան է, չըգլտենայինք, ամեն մի չըգլտցած տողի համար մի-մի քանոնի հարւած էր խփում ձեռքներին: Յիշում եմ, որ ամենից շատ հարւածը Հայկն էր ստանում. բայց երբ ձեռքերը լաւ կարմրում էին—չէր էլ լաց լինում—նայում էր ուսուցչին և բարկացած ասում.

—Ոտանաւորներ չեմ ուզում:

—Ինչպէս թէ չես ուզում, անպիտան, գտում էր ուսուցիչը.—քո կամքովն է:

—Սովորողը ես չեմ, տրամաբանում էր Հայկը,—ինչքան կուզէք՝ ծեծէք, չեմ սովորիլ:

—Ի՞նչու ախր, միթէ դժար է միտը պահել:

—Դժար... հեգնում էր Հայկը—մի քանի բոլակի մէջ կըսովորեմ. բայց... չեմ ուզում. շատ սեղմած բան է երևում ինձ:

Եւ իսկապէս շատ յետոյ էլ, երբ նա մեծացաւ, համալսարանից վերադարձաւ, ասում էր ոտանաւորներն ընդհանրապէս և նըրանց համար ասում էր թէ «ինչո՞ւ եմ աշխատում սեղմել միտքն ու զգացմունքները շափի և սահմանի մէջ...»

Ձմայրամբ էր կարդում միայն մի քանի բանաստեղծների, մանաւանդ Վիկտոր Հիւգոյին և Բայրընին:

—Բարձր են դրանք... ասում էր նա:
Միշտ բարձրութեան ձգտելու այդ ախտն էր, որ մեծանում էր իմ խեղճ հայկի մէջ և խենթացնում նրան:

II

Այդպէս, երբ տարրական դպրոցը վերջացրեց, նրա ծնողները հեռացան մեր քաղաքից. այնքան հեռու, որ երկար տարիներ չըտեսայ հայկին և չըլսեցի էլ նրա մասին:

Անցան տասնեակ տարիներ: Ես շատ բան տեսայ, շատ ման եկայ: Գործերս յաջող գնացին, մի լաւ պաշտօն դտայ և յետոյ Աստուծու տւածից, մի քիչ էլ հարստութիւն դիզեցի: Բայց հայկին մոռացայ: Քսան և եօթ տարեկան էի և գործերս փայլուն դրութեան մէջ դրած, հանդիստ կեանք էի վարում, երբ յանկարծ հանդիպեցի նրան:

Ի՞նչ էր կարծում, ի՞նչով էր զբաղում... վարժապետութիւնով: Տարիներով տանջւել այնպէս, ինչպէս նա էր տանջւել—ինձ պատմեց բոլորը—գնալ մուրացկանութիւնով բարձրագոյն կրթութիւն ստանալ և ապա ուսուցիչ...:

Միշտ նոյն խենթն էր մնացել: Երբ հանդիպեցի նրան, մոռացել էի նրա բարձրութեան ձգտելու ախտը: Խնդրեցի, որ ինձ մօտ գար: Երկար խօսեցինք: Փոխել էր խեղճը. զգալի կերպով դէպի գերեզման էր գնում: Ես լսել եմ, որ խենթերը ամենից աւելի ծիւրախտ են ստանում: Կարծում եմ, որ նա էլ ծիւրախտ պիտի ունենար: Աչքերը նոյն երազող, խոր և բոցավառ արտայայտութիւնն ունէին: Բայց այնքան էլ դեռ գիժ չէր: Մաքուր էր հագնւում և շատ քաղաքավարի էր բոլորի հետ: Այդտեղ իսկ նա իւր խենթութիւնն էր ցոյց տալիս: Եթէ, բան է, անցնելու ժամանակ մի բեռնակրի անգամ դիպչէր, գլխարկը կըհանէր և ներողութիւն կըխնդրէր:

Բաւական մտերմացաւ. գալիս գնում էր ինձ մօտ յաճախ, լսում էր ինձ մօտ եկող հիւրերի խօսակցութիւնը, երբեմն խառնւում էր և վիճաբանում: Բայց երբ տաքանում էր, Աստուած ազատի, այնպիսի այլանդակ, անսովոր—իւր ասելովը «բարձր»—բայց պարզապէս ծիծաղելի գաղափարներ էր յայտնում, որ հիւրերս միմեանց երեսին էին նայում և լուռ մնում. մինչև իսկ մէկը մէկ օր ասաց.

—Ախպէր, էս գժին ինչպէս ես տուն թողնում:

Գիժ էր, այն, Հայկը—դրան խօսք չկար
—բայց ճշմարիտն ասել՝ լաւ, անվնաս տղայ
էր: Նրա ասածները միմիայն ծիծաղ էին շար-
ժում:

Երբեմն, իհարկէ, վիրաւորում էին պատ-
ւաւոր մարդիկ, բայց երբ տեսնում էին, որ
Հայկը խենթ է, ներում էին նրան:

Միշտ տխուր էր նա, շատ քիչ էր ծի-
ծաղում և անդադար երազում էր:

Մի օր էլ, երբ միասին գրօսնում էինք
դաշտում—ասաց.

—Էհ, եղբայր, այս ի՞նչ ցած ու նեղ տե-
ղերի վրայ էք բնակում կամ գրօսնում. միթէ
ազատ բարձրութիւններ չըկան այս երկրում:

Ա՛հ, բարձրութիւն... Ահա նորից Հայկիս
խենթութիւնը բռնեց:

—Էլի նոյն խենթն ես. դիտեցի ես:

—Խենթ. գոչեց նա—բարձրութիւն, ա-
զատութիւն սիրելը խենթութիւն է:

—Ի հարկէ. եղբայր, քանի որ եղած
տեղումդ, եղած դրութեան մէջ հանգիստ ես,
ոչ որ չէ վնասում քեզ, ինչու իզուր գնալ
բարձրերում, նեղութիւն քաշել, յոգնել, վը-
տանգների ենթարկել...

Ժպտեց և չըպատասխանեց:

—Բարձր տեղ ես ուզում, հեղինեցի ես
—ահա արեգակը, բարձրացիր այնտեղ:

—Չատ կուղէի... պատասխանեց լրջու-

թեամբ—բայց... արեգակը շատ ցածր է դեռ:

—Արեգակը ցածր է... ինչե՛ր ես դուրս
տալիս, եղբայր, միթէ արեգակից բարձր բան
կայ:

—Ինչո՞ւ չէ, ասաց նա—միլիօնաւորներ
կան:

—Ինչե՛ր, օրինակ:

—Ջանազան մեծութեամբ երկրագնդեր,
աշխարհներ, արեգակներ, որոնց մօտ մեր ա-
րեգակը մի փոշի է:

—Չատ լաւ ուրեմն, հեղինեցի նորից—
բարձրացիր դրանցից մէկի վրայ:

—Նրանք էլ ցածր են դեռ:

—Չնհ... միթէ էլի բարձր կայ:

—Ի հարկէ... քանի բարձրանաս, այն-
քան դեռ ցածր ես, դեռ էլի կայ բարձրա-
նալու:

Եւ այսպէս միշտ դէպի վե՛ր, դէպի վե՛ր...

Նայեցի դէմքին: Աչքերն այնպէս երա-
զում էին և այնպէս ոգևորած, որ հարկ հա-
մարեցի հանգստացնել նրան:

—Լա՛ւ, լա՛ւ, ասացի—թող քո ասածը
լինի. զնա՛, դէպի վե՛ր, միշտ դէպի վե՛ր...

—Իսկ դո՛ւ. հարցրեց յանկարծ ինձ
դառնալով:

—Ե՛ս,—ասացի վախեցած—չէ, եղբայր,
իմ տեղս շատ լաւ է. փառք Աստծու, տուն
ու տեղ ունիմ, տոկոսով էլ փող տւած բան:

կում. ստամոքսս էլ հիւանդ չէ: Դու կուզես
զնն, իմ տեղս շատ հանգիստ է:

— Բայց այդպէս ցած...

— Ով որ ցած տեղերում ապրի—վար-
դապետեցի ես—նա ընդմիջտ՝ ընկնելու վտան-
գից ազատ կըլինի:

Լուեց և երեսը դարձրեց: Քիչ յետոյ
լսեցի, որ ասում էր տխրութեամբ.

✓ — Աստուած իմ, որքան տխուր է մենակ
լինելը...

III

...Ինչպէս որ տարօրինակ էր խենթը,
այնպէս էլ տարօրինակ կերպով անհետացաւ:
Ահանատես էի նրա կորուստուն:

Մի օր, երբ մեր դաշտից սկսեցինք լեռ-
ները բարձրանալ, կանգ առինք առաջին բլու-
րակի գլխին:

Յոգնել էի, ուզում էի վերադառնալ:

Բլրակից այն կողմ փուռում էր մի դաշ-
տակ, որից յետոյ բարձրանում էին հսկայ և
բարձր լեռները: Սկսելով բլուրներից, լեռնա-
շղթան հետզհետէ իւր ամենաբարձր գագա-
թով ամպերն էր գգւում և արեւի ճառագայթ-

ներից, իւր վրայի մշտակայ սպիտակութիւնը
փողփողեցնում:

Հայկը երբ այդ տեսաւ, հիացումից գրժ-
ւեց. բռնեց թևիցս և ստիպում էր, որ զնանք
«այնտեղ—բարձր»: Վազում էր նա, առաջ
սրանում... Իսկ ես զրեթէ զլորում էի, քաշ
գալիս գետնի վրայով:

Այդպէս նա քաշ տաւ ինձ մինչև լեռ-
նաշղթայի ստորոտը: Այնտեղ ես մնացի ըն-
կած:

— Թո՛ղ ինձ, եղբայր, ձայնեցի—ինչ ես
ուզում ինձնից, ուզում ես բարձրանալ. համե-
ցէք, գնն ուր որ կուզես և ինձ հանգիստ
թող:

Ու զնաց, սրացաւ դէպի վեր: Նստածս
տեղից տեսնում էի թէ նա ինչպէ՛ս հեալով,
բայց նոյն արագութեամբ և խենթային կա-
մակորութեամբ, բարձրանում էր:

Ո՛ւր էր գնում այդպէս:

Չուտով արեգակն էլ ծածկւեց ամպերով
և սուտեր ձգեց լեռնաշղթայի վրայ:

Չատ պարզ տեսնում էի խենթին:

Նա գնում էր. երբեմն կանգ էր առնում
չունչ քաշելու համար և ապա առաջ գնում,
միշտ բարձրանում...

Յաճախ անտեսանելի էր դառնում:

Կարծում էի թէ զլորել էր մի անդուն-
դի մէջ: Բայց նա նորից երևան էր գա-

լիս: Եւ գնում էր անընդհատ: Սկսեցի կանչել:

— Դարձիր, եղբայր, գոչեցի— ուր ես գնում այդպիսի բարձրութիւնների վրայ, կը մըսես. քաղցած կըմնաս, մենակ կըլինիս:

Բայց նա գնում էր միշտ և առանց ետ իսկ նայելու: Մի անգամ նստեց մի ապառաժի վրայ և ցած նայեց: Արևի մի աղօտ ճառագայթ, մի թխադոյն ամպի պատուածքից անցնելով, ողողում էր նրա դէմքը: Մազերը ծածանում էին քամուց: Ձեռքը դէպի վեր, ինձ էր ցոյց տալիս սպիտակափառ բարձրութիւնները: Կարծես հրաւիրում էր գնալ, հետևել իրան:

Տեղիցս շըշարժեցի: Խեղճ էի:

Վերջապէս վերկացաւ նորից, մի ըտպէ կրկնեցրեց իւր երկար սուերն ու ծածանւող մազերը, ապա քայլեց առաջ և հետզհետէ հեռանալով՝ անհետացաւ դէպի բարձրաբերձ գագաթները... Իմ ցածրութիւնից էլ չէի տեսնում նրան: Այդպէս այլանդակօրէն կորուսաւ խենթը: Էլ չըվերադարձաւ նա: Իմ ծանօթներից և ընկերներից ոչ մէկը չէ տեսել նրան:

Հաւաստի եմ, որ քաղցած պիտի մեռած լինի նա իւր ձգտած փայլուն բարձրութիւնների վրայ...:

Խեղճը...

Երբ այս պատմութիւնը սողունները կարգացին, գտան, որ «խելօքը» իրաւունք ունէր, որ բարձրանալու փափազը կատարելապէս խենթութիւն է, քանի որ գետնի երեսին և ցած տեղերում ապրելը աւելի հեշտ է և գիւրացնող...

Ն Ի Ր Ի Ա Ն Ա

—Ո՛վ արդար, նուրբ և զօրեղ Աֆիոն,
 դու ես այն միակ ամոքիչ բալասանը, որ մխի-
 թարում է ճնշած արդարին: Ճարտարախօ-
 սութեան կարողութեամբ զինաթափ ես անում
 կատաղութեան և բռնութեան ամէն վճիռ,
 և անհունութեան համար՝ յանցաւոր մարդուն
 վերադարձնում ես իր երիտասարդական մա-
 քուր յոյսերը: Խաւարի կրծքի վրայ, հոգու ե-
 րեակայական նիւթերով կառուցանում ես դու
 այնպիսի վայրեր, որոնք աւելի գեղեցիկ են՝
 քան Չիբազի հովիտները: Երազներով լի քնոյ
 խորքերից վեր ես հանում գեղեցկութեան
 իսկական տիպարներ և աչքի առաջ ես բերում
 այնպիսի դէմքեր, որոնք սիրելի են մեզ...
 Դու, դու միայն ունիս արդարութեան կշիռը,
 զբախտի մուտքը, ո՛վ արդար, նուրբ և զօրեղ
 Աֆիոն...

Մատոնային արեւի տակ, հին պատմու-
 ճանի մէջ պարուրւած, դողում էր նա ցրտից:

Մումբայի նման չոր, կանաչ-սևագոյն դէմքով
 մի գէլուիչ էր այդ, որ կծկւած՝ քաղաքից ոչ
 հեռու գտնուող հողաթմբի մօտ, խամրած աչ-
 քերը տարածութեան մէջ մոլորւած՝ շրթունք-
 ներն էր միայն շարժում, և խուլ, դողողձիւն
 ձայնով՝ այդպէս աղօթում:

Տեսել էի նրան երբեմն, քնաչըջիկի նման
 պատերի տակովն անցնելիս: Այժմ մօտ զնայի:

Երբ վերջացրել էր այդ տարօրինակ ա-
 ղօթքը ուղղւած աֆիոնին (օպիում), լուեց և
 գլուխը կրծքին՝ արձանացաւ:


— Զոգ չէ՛ այստեղ, հարցրի մեզմու-
 թեամբ:

Ցնցւեց, գլուխը բարձրացնելով՝ նայեց
 ինձ և ասաց.

- Ցուրտ է... Աշխարհումս միշտ ցուրտ է: ✓
- Մրսո՞ւմ ես միթէ:
- Տանջւում եմ միայն...
- Ո՞րտեղդ է ցաւում:
- Ո՛չ մի տեղ... և ամեն տեղ:
- Իսկ ո՞վ ես դու:
- «Ոչ-որ»... ✓
- Ոչ ո՞ք:
- Այո:
- «Ոչ-որը»՝ գոյութիւն չունի,— ասացի ✓
- ևս— «ոչ-որ»-ը անհասկանալի բան է:
- Եւ սակայն կայ: Մենք ենք այդ— մո-
 ռացութեան և երազային նիւթերից կառուց-

27
 1007
 31487
 3625

Հանրային գրադարան



ւած վայրերի բնակիչներս... Դու չըզդիտես
ինչ է «Ոչ-որք»:

— Զըզդիտես:

Այժմ նա ուղղւեց քիչ, զննեց ինձ երկար
և մի ըտպէի լուռութիւնից յետոյ՝ ասաց.

— Պատահել է քեզ շօշափել քո իսկ մար-
մինը և մատնեբիդ տակ չըզգալ ոչինչ. պա-
տահել է՝ պրպտել ուղեղդ և չըգտնել այն-
տեղ ո՛չ մի միտք... և կամ զգալ՝ որ կարծես
թեթեացել ևս մարմնիդ ծանրութիւնից և
աննիւթ մի էակ ևս. որ ո՛չ սրտի ճնշումն ևս
զգում, ո՛չ ուղեղի տանջանք և ո՛չ էլ մարմնի
պահանջներ... Եթէ պատահել է—ահա այդ
ժամանակ դու «Ոչ-որք» ես...

— Զէ պատահել ինձ այդպիսի բան:

— Իսկ աֆիւռն ծխել ևս երբէք:

— Ոչ:

Կծկւեց ու խուլ և միաձայն՝ ասաց.

— Արդեօք, իմ «Ոչ-որք» լինելուց յետոյ,
մարդիկ փոխւել են. սկսել են այլ ևս չուտել,
չըպատառտեմ իրար. արդեօք այս աշխարհը
փոխել է իր արարածները և եթեբային, ա-
ւելի բարձր էակներ ծնել. արդեօք մարդիկ
այլ ևս պէտք չունին մոռացութեան...

— Աշխարհը նոյնն է—ասացի—և գուցէ
աւելի վատթար դարձած:

— Ուրեմն դու ապուշ ևս.— ասաց նա
խստութեամբ.— ապուշ՝ որ չուրջդ նայում ևս

և ոչինչ չես տեսնում, որ ապրում ևս իբր
բոյս և տանջւել չըզդիտես. սիրտդ ուրեմն ա-
զատ է վէրքերից՝ որպէս գանգո ուղեղից... աչ-
քերդ երևի կոյր են՝ թէև տեսնում ևս... կամ
գուցէ մի հարուստ իշխան ևս ցիխային սրտով
և ոսկեայ բիբերով... Գնա՛ ուրեմն առջևիցո և
թոյլ տուր ինձ տաքանալ...

Դէբւիչը ո՛չ միայն օպիում ծխող էր, այլ
և արևելեան այն տարօրէն փիլիսոփայ-երա-
զողներից, որ կեանքի դառնութիւնները ուսում-
նասիրած, գուցէ և խիստ տանջւած, ապաւէն
էր գտել միմիայն մոռացութեան մէջ:

Աղօթքը գրաւել էր ինձ: Վաղուց ուզում
էի գտնել մի օպիում ծխողի, որ կարողանար
հետևողաբար, առանց ցնորաբանութեան,
պատմել ինձ օպիումով արբեցողի զգացածը:
Գտել էի ուզածս. չըհեռացայ:

— Ի՞նչ—ասացի ևս.— միթէ՛ մարդս ան-
պատճառ պիտի տանջւի և պէտք ունենայ
մոռացութեան:

Եւ նստեցի կողքին:

Քիչ լուեց և ասաց: (Առ հասարակ, երբ
ևս մի բան էի հարցնում, նա, պատասխանե-
լուց առաջ, միշտ մի ըտպէ լուռ խորհրդա-
ծում էր և ապա խօսում:

— Մարդս թէև տանջւելու պէտք չունի,
— ասաց նա— բայց տանջւում է. և այդ պատ-
շտողքի անտեսք վղիս ժողի տղ, խիստ

Ուզում էի հարց տալ թէ ինչու մարդ տանջւում է, բայց նա խսկոյն շարունակեց.

—...Մարդը «Մի բան» է («Չիդ»)։ և այդ «Մի բանը» սիրում է ուտել իր ընկերոջ, տանջել իր եղբորը. այդ «Մի բանը» հրճւում է եղբոր տանջանքով, ծծում է նրա երջանկութիւնը։ Այդ «Մի բանը» Աստծու բոլոր արարածներին մրուրն է, որ սեւցնում է իր շուրջը. այդ «Մի բանը» այնքան ամուր կպած է իր կաշւին, որ իր գոյութեան համար յոշոտում է իր նմանին, հաճոյքի համար պղղծում Աստծու աշխարհը, ընկերոջ արիւնի մէջ դովանում, եղբոր քրտինքով ուսճանում... Այդ «Մի բանը», որ կոչւել է «մարդ», ստոր է քան յետին սողունը, կատաղի է քան բորենին և անյազ ու ծարաւի՝ քան արիւնխում վագրը։ Այդ «Մի բանը» գոյացնում է տանջանքը. և տանջուողը, եթէ չէ կարող ինքն էլ տանջող դառնալ՝ պէտք ունի մոռացութեան...

Ապա քիչ լուելուց յետոյ՝ աւելացրեց խուրճայնով.

—Այդ «Մի բանը» միշտ զղւելի արարած է մանաւանդ, երբ նա քնած է...

—Երբ քնած է...

—Այո, երբ քնած է։ Այն գրութեանը, որին դուք «արթնութիւն» էք կոչում—դա ինքը քնածութիւնն է։ Արթնութիւնը՝ քնելն է.

զարթնել՝ նշանակում է «Մի բանից» դառնալ «Ոչ-որ»...

—Չեմ հասկանում։

—Չես հասկանալ, որովհետև քնած ես։

—Քնած եմ...

—Այո։—Ի՞նչ ես տեսնում դու օրինակ կամ ի՞նչ զգում... Ասացիր շոգ է. և սխալում ես, որովհետև մարդկանց պիղծ, եղբայրասպան շունչը սառեցնում է բնութիւնը։ Ուտել ես ուզում—այդ նշանակում է որ դու զագան ես. զգում ես ատելութիւն կամ սէր դէպի որոշ ընկերներդ, դու կարող ես դայրանալ, խփել, կատաղել, արիւն հոսեցնել. կարող ես մտածել թէ ինչպէ՞ս ճնշես եղբորդ, մերկացնես ընկերոջդ, լեցնես սնդուկդ մետաղով և այդ մետաղով թոյն պատրաստես տաննակ նսաններիդ սպանելու, տանջելու համար... Ահա ուրեմն դու «Մի բան» ես. ուրեմն դու քնած ես. քնած ու կատաղի, քնած ու զագան, քնած ու վայրենի, ստոր, լպիւրջ ու կեղծատր...

Լուռ դիտում էի դէրվիշին, որ հայեացքը տարածութեան մէջ, խորունկ շնչտով ասում էր այդ բոլորը։

—Յետոյ.—խօսեցի վերջապէս.—ուրեմն քնած եմ... Եւ երբ արդեօք կըզարթնեմ.

—Երբ «Ոչ-որ» դառնաս, երբ դադարես «Մի-բան» լինելուց։ «Ոչ-որը» մի էակ է,

որ ո՛չ տանջուամ է և տանջում, ո՛չ կե-
ղեքուամ է և կեղեքում և ո՛չ զազանարար
ուտում է իր նմաններին... «Ոչ-որը» մի
էակ է, որ խաւարի մէջ կանգնեցնում
է լոյսի պալատներ և այնտեղ հրճում իր
նմանների բախտաւորութեամբ: «Ոչ-որը» մի
արարած է, որ իր կեանքում մի կաթիլ ջրու-
տինք կամ մի կաթիլ արիւն չունի ծանրաց-
րած իր հոգու վրայ... «Ոչ-որը» արթուն
մարդն է, Աստծու մեծ և բարձր էակը, որ
միմիայն բարի է, բարի և բարի...

— Իսկ դո՛ւ, «Ոչ-որ» ես:

— Այժմ ոչ: Այժմ ես քնած ու տանջուող
«Մի բան» եմ... Բայց, փոքր մի ևս և դար-
ձեալ «Ոչ-որ» կըլինեմ:— Այժմ ես մի ճանա-
պարհորդ եմ, որ հեռաւոր-երջանիկ աշխարհ-
ներից դուրս եմ չարտել քնածների մէջ և
այդ՛ մի տեսակ քաւութիւն է՛յիմ անցեալ զա-
զանութիւնների...

— Իսկ ի՛նչ ես տեսնում դու այդ երջա-
նիկ աշխարհներում: Արդեօք այնտեղ «Ոչ-
որ»-ները չի՛ն թշառացնում, չի՛ն տանջում մի-
մեանց...

— Երբէք... Այնտեղ «Ոչ-որը» միմիայն
ապրում է և ապրում առանց տանջանքի:
Պէտք չունի նա ուրիշների քրտինքի արդիւն-
քին և երջանիկ է իր «Ոչ-որ»-ութեամբ և իր
ազատ ու մաքուր հոգով:

— Պատմիր ինձ թէ ի՛նչպէս ես գնում
այդ աշխարհը և թէ ի՛նչ ես տեսնում դու
այնտեղ:

Դէռւիշը նայեց ինձ. աչքերի մէջ մի
վաբկեան փայլեց կենդանութեան նշոյլ:

— Դո՛ւ էլ ուրեմն տանջուամ ես.— հարց
րեց նա:

Տխուր՝ ժպտացի:

— Ուզո՞ւմ ես գնալ «այնտեղ»...

— Առաջ կուզէի լսել այնտեղի մասին:

— Ես քեզ կըպատմեմ:

Ու քիչ լսելուց յետոյ, սկսեց պատմել:

— ...Այնտեղ ցածուամ,— խօսեց նա հետզ-
հետէ ոգևորելով— ծառերի մի խմբի տակ,
սպիտակ վրանի մէջ պառկում եմ ես՝ յոգնած
քնելուց ու տանջելուց... Պառկում եմ գետ-
նի վրայ՝ գլուխս մօտ կանթեղի պատրոյգին
և նւիրական «բաֆուր»-ը ձեռքիս: Դա այն
խնկամանն է, որի ծխի հետ մարդ սրանում է
դէպի մոռացութեան աշխարհը և «Ոչ-որ»-ու-
թեան բարձրութեան հասնում: Եւ երբ ծխում
եմ, եռացող ափիոնը յիշեցնում է իր հոտով՝
վառուող շաքարն ու խնձորը— քաղցրութեան և
անուշահոտութեան մարմնացումները, որոնց
բուրմունքը հաճելի են բարձր էակին...

...Քառորդ ժամ դեռ ևս քնած եմ ես,
դեռ տեսնում եմ շուրջս դազանների և ար-
դարութիւնը շահագործողների կամ տանջուող

էակները չար ու ողորմելի դէմքերը... Եւ ապա, հեազհեաէ, մարմինս սկսում է մի անբացատրելի հանգստութիւն զգալ: Թւում է թէ մտնում եմ մի նոր աշխարհ: Եւ այդ աշխարհի դռան շէմքին դնում եմ ինձ կաթով լի աւազանի մէջ, ուր լողում եմ ես անվիրշտ և անցաւ... Մարմնիս ծանրութիւնը թեթեանում է, հեազհեաէ, նա, հին, ցնցոտի հագուստի պէս փոշիացած՝ ընկնում է և հոգիս մարուր, «Ոչ-որ» դարձած՝ ազատ սաւառնում է միայնակ ու ինքն-իրան միայն գոյութիւն ունեցող...

Եւ ես, «Ոչ-որ» դարձած, լի բարութեամբ, լի կարեկցութեամբ ու անկեղծ մարութեամբ, կաթի աւազանից մտնում եմ վրձիտ, դաղջ ու անուշաբոյր ջրերի մէջ, ուր լողում եմ մեղմիկ, առանց ջանքերի, լողում եմ առանց շարժելու, առաջ եմ գնում՝ առանց ճիգ գործելու...

Ու, վաղուցայ յիշողութիւններ, մարուր, ազնիւ ու բարձր յիշողութիւններ, որոնք ջընջել էին մաքիցս, նորից գալիս եմ հոգիս վաւազանելու... Ահա՛ այն շքեղ երգը, որ մի անգամ միայն լսել էի նազելիս՝ լսում եմ դարձեալ, ծայրէ-ծայր լսում. և հոգիս խաղաղ, լողում է ծփացող ջրերի վրայ, հոգիս սլայծան և սուր, ընդունակ է ամեն արցունք սրբելու, ամեն գազանի արիւնոտ ատամները

կորցելու և ամեն զրկածի, ընկածի՝ զրկելու, սրտիս սեղմելու... Ջգում եմ, որ պայծառացած հոգիս տենչում է սրանալ դէպի վեր և այնտեղից խօսել մարդկանց՝ սիրոյ և բարութեան մեծ, վսեմ խօսքեր. զգում եմ, որ անկեղծ և բարձր մաքեր յուզում եմ կուրծքս և բերանս երգում է ապագայ մաքուր և տանջանքներից զուրկ կեանքի դրաւտներ... Դըրւամներ, որոնք ներշնչած եմ անկեղծութեան, բարօրութեան և հաւասարութեան շքեղ երազներով...

Եւ հեռուն, վարդազոյն հորիզոնի վրայ տեսնում եմ ապագայ մարդկութիւնը ներքին ազնուութիւնից փայլող ժպտուն դէմքերով, տեսնում եմ այն ամենը՝ ինչ լաւ է, ազնիւ է, արդար... Եւ հրճւում է հոգիս, սաւառնում տարածութեան մէջ ու բերանս երգում է այնպիսի երգեր, որոնք աւետում են ազատութիւն՝ ճնշածների, կեանք՝ թշուառների և երջանկութիւն՝ տանջողների...

Այսպէս խօսեց դէրուիչը և լռեց:

Երա աչքերը, կարծես բերերից գուրկ, սեւեռած էր հեռու, անյայտ տարածութիւնը և կարծես այլ ևս ոչինչ չէր տեսնում այստեղ—մեր աշխարհի եղածներից:

Ե՛ս էլ լուռ էի. դէրուիչի ոգևորած խօսքերի ազդեցութեան տակ մի րոպէ ես էլ լռեցի: Յետոյ հարցրի մեղմութեամբ.

— Իսկ երբ զարթնում ես...
Ցնցւեց, բիրերը երևեցին և նա ասաց.

— Ի՞նչ... երբ քնում եմ...

Ապա խոր, ախուր շեշտով մրմնջաց.

— Միայն տանջուում եմ... Այն ժամանակ
ես զգում եմ դժոխային այն բոլոր անբացատ-
րելի տանջանքները, որ չեն կենտրոնանում
մարմնի ու և է մասում, բայց ուտում-մաշում
են ուղեղս, սիրտս... այն ժամանակ ցաւում է
ամեն տեղ՝ և սօ մի տեղ... Եւ անհ, տեն,
միմիայն մըսում եմ և տանջում... Հատ սառն
է մարդկային շունչը և շատ դարշելի... Հե-
ռու գնա ինձնից... — Մարդս ծնել է միմիայն
տանջւելու համար այս աշխարհում. և երջա-
նիկ կարող է լինել միայն այնտեղ, այդ հե-
ռուր — երազային բարձրութիւնների, այդ
անծանօթութեան մէջ... Մարդս «Մի բան» է,
և երջանիկ է միայն այն ժամանակ, երբ «Ոչ-
ոք» է...

— Իսկ դու ոչինչ չես ուտում, ոչինչ չես
խմում:

— Ուտում եմ, խմում եմ... միմիայն
տանջանք... Երբ «Ոչ-ոք» եմ, այն ժամանակ
ինձ ոչինչ պէտք չէ. որովհետև ստամոքս չեմ
այլ ևս, այլ հոգի...

— Բայց չէ՞ որ աֆիոնը կարող է միայն
չորացնել և վերջ ի վերջոյ մահացնել քեզ:

— Աֆիոնը... նա է կեանքի ճանապարհը,

նա է անծանօթ վայրերի մուտքը: — Եթէ ու-
զում ես ապրել, եթէ ուզում ես մոռանալ՝
աֆիոն ծխիր...

Ապա խօսքն ընդհատեց և նոյն խորունկ
ու խուլ մրմնջիւնով՝ սկսեց աղօթել.

— Ով արդար, նուրբ և ազդեցիկ Աֆիոն.
դն, խաւարի կուրծքի վրայ, հոգու երևակա-
յական նիւթերով՝ կառուցանում ես այնպիսի
վայրեր...

Ոտքի ելայ մեկնելու.

— Մնաս բարև, «Ոչ-ոք»...

— Երթաս բարև, «Մի-բան»...

Դէրւիշը երջանիկ էր. կարող էր մոռա-
նալ...

ՆՈՐ-ՏԱՐԻԱՅ ՊԱՏՄՈՒԹԻԽՆ

(Մ ի կ տ ա ն)

Յիմար բան է և շատ գուհի է դարձել, երբ ամեն տարի այսօր, մարդիկ միմեանց տեսնելիս՝ «Ձնորհաւոր նոր տարի» են ասում:

Ի՞նչ կայ շնորհաւորելու: Տարին մեր բարեմաղթութեան է կարօտ՝ իր շնորհքները ցոյց տալու համար:

Եւ վերջապէս սխալ չէ այդ խօսքերով հանդիպել միմեանց: Աւելի լաւ չէր լինի, եթէ մարդիկ, այսօր միմեանց տեսնելիս՝ ասէին իրար.

— Զերիք չէ, եղբայր, միթէ այս տարի էլ պիտի ուտես ինձ...

Բայց ինձ թուում է և այդ աւելորդ: Մարդիկ եթէ իրար չեն ուտում կամ չեն խածոտում, ո՞չ ապրել կարող են և ո՞չ ուռձանալ:

Ա՛յ, ես ձեզ կը պատմեմ իսկոյն, թէ ինչպէս մի մարդ իր եղբօրը կերաւ հէնց այդպէս մի նոր տարի-օր:

...Սրանից տարիներ առաջ, ապրում էր աշխարհումս մի նիհար պարոն:

Այժմ նա գեր է, որովհետեւ սովորեց իր ընկերներին ուտել:—Ո՛չ մի բան այնքան չէ գիրացնում, որքան ընկերոջ միսը:—Թող փորձեն նիհարները:

Ուրեմն, սրանից շատ տարի առաջ, ապրում էր աշխարհումս մի նիհար պարոն, որ միշտ անօթի էր:

Այժմ նա կուշտ է, որովհետեւ ամեն օր մարդու արին է խմում:—Ոչինչ չըկայ կշտացնող, քան եղբօր արինը:—Թող փորձեն ծաւրաները:

Այդպէս, սրանից շատ տարիներ առաջ, ապրում էր աշխարհումս մի նիհար պարոն, որ միշտ անօթի էր և միշտ էլ աղքատ:

Այժմ նա հարուստ է, որովհետեւ ամեն օր դատարկում է իր եղբօր գրպանները:—Ոչինչ չըկայ հարստացնող, քան ընկերոջ գրպանը:—Թող փորձի աղքատը:

Դառնանք պատմութեան... Սրանից շատ տարիներ առաջ, ապրում էր աշխարհումս մի նիհար պարոն, որ միշտ անօթի էր, միշտ աղքատ և ողորմութիւն էր խնդրում փողոցներում:

Այժմ նա ողորմութիւն է ցըւում փողոցներում, որովհետեւ ոչինչ չըկայ հուշակող, քան ընկերոջ արինի աւելորդովը՝ բարեգործութիւն անել:—Թող փորձի փառասէրը:

Եւ այդպէս ուրեմն, սրանից շատ տարի-

ներ առաջ, աշխարհումս ապրում էր մի նի-
հար պարոն, որ միշտ անօթի էր, միշտ աղ-
քատ, ողորմութիւն էր խնդրում փողոցներում,
պառկում աղբանոցներում:

Այժմ նա պառկում է պալատներում, ու-
րովհետև ոչինչ չըկայ պալատների տէր դարձ-
նող, քան ընկերին աղբանոց շարտելու ար-
հեստը:—Թող փորձի հեշտասէրը:

...Բայց—կասէք ինձ վերջապէս—այս ինչ
ես անում, պարոն գրող, դու մեզ դեռ չըպատ-
մեցիր թէ ինչպէս նոր տարի օրը մի մարդ
կերաւ իր եղբօրը:

Բայց—կասեմ ձեզ—պարոն ընթերցող,
որ ես արդէն պատմեցի թէ ինչպէս ամեն օր
մարդիկ ուտում են իրանց եղբօրը: Եթէ կը-
գանէք, որ մարդիկ նոր տարի-օրով խնայում
են միմեանց և որ նրանք իրանց նմանի արիւ-
նով չեն գիրանում և ուռճանում...

Այն ժամանակ միայն կըպատմեմ ձեզ թէ
ինչպէս միայն մի մարդ՝ կերաւ իր եղբօրը՝
նոր-տարի օրը...

Չնորհաւոր ուրեմն ձեզ նոր տարի, սկի
գեր, առողջ, հարուստ և պալատների մէջ քնող
պարոններ: Կերէք ձեր ընկերներին, խմէք
նրանց արիւնը, նետեցէք նրանց աղբանոց-
ների վրայ... Եւ, երբ զւարճանալ կամենաք...
բարոյախօսեցէք...

ԱՆՄԱՀԱՅՆԵԼՈՒ ԳՈՐԾԵՐ

(Բարեգործութիւն, Առատաձեռնութիւն և
Ջերմեռանդութիւն).

II

ԲԱՐԵԳՈՐԾՈՒԹԻՒՆ.

...—Չնտ լաւ էր ասում. համաձայն եմ
ձեզ հետ. բարեգործութիւնը ազնիւ բան է. ի
հարկէ, ես ըստ շափու կարողութեանս՝ կը-
մասնակցեմ: Հարիւր բուրլի բաւական է... Ինչ
էր ասում.—Ժողովին գամ: Ինչո՞ւ չէ, կըգամ.
անպատճառ կըգամ... Նպատակը սոյդ է: Հի-
անալի եմ գտնում.—Ինչ կայ աւելի բարձր
մարդասիրական՝ քան մտածել թշւառների
մասին... Ասում էք սոսկալի է նրանց գրու-
թիւնը... Ո՛չ, այդտեղ ձեզ հետ համաձայն
չեմ. գիտէք ինչ սկզբունքով: Այդ խնդրի մա-

սին ես իմ որոշ սկզբունքներն ունիմ... Գործաւոր մարդը, առ հասարակ, տգէտ, անկիրթ է լինում... Ասում էք սփ է մեղաւորը:—Մեղաւորը, ի հարկէ, խոստովանում եմ, միայն իրանք չեն, այլ և ծնողները, որ նրանց ուսման չեն տւել...—Հն, ես ասում էի, որ գործաւորը տգէտ, անկիրթ է լինում. իսկ եթէ այդպիսի տգէտները գրութիւնը բարւոքի, նրանք կըսկսեն խմել, հարբել և անբարոյական գործերով զբաղւել... Սխալում եմ...—Երբէք չեմ սխալում: Օրինակ կուզէք.—տամ ձեզ օրինակ... Ուզում էք լսել. շատ լաւ. ուրեմն լսեցէք:

...Մեր գործարանում Միմոն անունով մի մարդ կայ. զարբաղցի հայ: Երբ նոր էր եկել, կտրիճ և արագ կպել էր գործին և ես սիրում էի այդ գործաւորին: Հաւատարիմ էր և սրտացաւ՝ որպէս ես՝ իմ գործի համար: Ո՛չ մի բան չէր մերժում անելու. ինչ որ տային, գիշեր թէ ցերեկ, գործում էր. առաւօտ վաղվաղ՝ նա էր առաջինը, երեկոյեան էլ նա էր վերջինը:

Նոր էր գիւղից եկել. ինքն էլ հնազանդ, լսող, ընդունակ... Տուն ու տեղը, կնիկն ու որդիները գիւղումն էր թողել, և լաւ էր արել: Գործաւորն ինչ է, որ ընտանիք ունենայ, որդի ցանկանայ:—Գործաւորը չըպիտի ամուսնանայ...—Ասում էք՝ սխալում եմ... Դուք էք

սխալում:—Ով փող շունի այնքան՝ որ որդի մեծայնի և կնոջը հագցնի—նա ամուսնանալու իրաւունք չունի... Այո, այդ է իմ համոզումը...—Ասում էք սխալ է...—Տեսնում էք ինձ: Փառք Աստծու, գործարան ունիմ և փող՝ բաւական, բայց այսքանը բաւ չէ կին հագցնելու, որդի մեծացնելու... —Հարցնում էք թէ ինչպէս եմ մենակ ապրում: —Բայց, շատ պարզ, պարոն, միթէ այստեղ քիչ կին կայ. փող ասածդ ինչե՛ր չի տայ քեզ:—2եմ ամուսնացել, և աւելի ազատ պարտականութիւններից, կանայք էլ ունիմ և լաւ էլ ապրում եմ... —Բայց այս թողնենք դեռ, պատմութիւնս պատմեմ...

Այդպէս, Միմոնը վեց ամիս գործեց լաւ, հանդարտ:—Բայց մի օր, սատանան փորը մտաւ. եկաւ թէ՛ «Ազն, չեմ կարող մենակ, ուզում եմ կնիկս ու որդիքս բերել»... —«Ա՛յ սղոյ, Միմոն,—ասում եմ նրան—յիմար ես՝ ի՛նչ ես. ինչո՞ւ ազատութիւնդ ուզում ես թաղել, ձեռքդ ու ոտքդ կապել. կնիկ ես ուզում» —քաղաքումը բժլ. կիրակի օրերը գնն քէֆ արա. էժանները շատ կայ»... Ախմախը սաստիկ կարմրեց, շատ էլ ամաչեց, թէ՛ «Ազա, ի՛նչպէս կըլինի, ես կնկայ տէր, որդիներ ունիմ»... —«Դէհ, զահէս տարիք, կորիք—ասում եմ—յիմար ես դու. գնն, կնիկդ բերես —չըբերես՝ դո՞ւ գիտես, ուճիկդ նոյնն է, աչ-

խատուութիւնդ նոյնը»։—Թէ՛ «Դէ, ազն, մի քիչ աւելացուր»... Խղճացի, շատ ազգահեց, մէկ էլ որ՝ լաւ գործաւոր էր, ինչէ՛ր ասեա կըբանեցնէիր։—15 մանէթը 20 շինեցի... —Բարեգործութիւնը ազնիւ բան է... —Ասում էք քիչ է... Զարմանալի էք։ Անց ամիս գործողներէց սրն է այդքանի հասել, էն էլ բոլի գիւղացի, սը սը մաշինից և ոչ էլ շոգուց հասկացողութիւն ունի... —Ո՛չ, լաւ ոտճիկ էք, կառավարիչս ասում էք թէ՛՝ երես եմ տալիս միւսներին՝ իմ բարեգործութիւնով։ —Իրաւունք ունէր. խելօք մարդ է կառավարիչս։—Մի քանի օր յետոյ, ստիպած էի վաճկել մի քանիսին, որոնք եկել, նոյնպէս ոտճիկի յաւելումն էին խընդրում։

Ինչ որ է։—Սիմոնս տաս օր խնդրեց—տալի։ Այդ լաւութիւնն էլ արի։ Ելաւ գնաց Դարաբաղ, կինն ու տղերքը շալակեց՝ եկաւ։ Պիտի չ'ուրանալ. սկզբում ուրախ և լաւ գործում էր. կառավարիչս գոհ էր նրանից, և որովհետեւ ոտճիկն աւելացրել էի, նրան գիշերներն էլ մէկ-մէկ բանեցնում էր։—Սիրում եմ այդպէս խղճմանըով կառավարիչներին՝ որոնք աշխատում են միշտ յօգուտ տէրերի։—Ինչ էք ասում... —Ասում էք՝ անդո՛ւթ մարդ է... —2-փաղանց սխալում էք, նա շատ՝ գթասիրտ մարդ է. միշտ իր կերակուրի մնացորդը բանուորներին է տալիս, բարեգործական քնկերու-

թեան անդամ է, թիւրքահայ որբերին տարը բուբլի տաւ... —Ինչէ՛ր էք ասում, իմ կառավարիչը աղքատանոցի էլ հօգաբարձու է. ինքն ու իր կինը—ես եմ տեսիլ—անձամբ են թըշուտներին կերակուր բաժանում... —Եւ վերջապէս նա ինժիներ էլ է և... լաւ սիրուն կնիկ էլ ունի... Այո՛... —Բայց թողէք պատմութիւնս շարունակեմ...

—Հա, Սիմոնս էք, մի երեք ամիս լաւ գործեց. մէկ էլ, յանկարծ մի օր տեսնեմ՝ մօտս եկաւ թէ՛—«Աղա, տղերքս այստեղ առանց սուսի են մնում, համ էլ հիւանդանում են. քաղաք պիտի տանեմ»։—«Ո՛նց—ասացի—տօ արամխ, ստացածդ ինչ է, որ նրանց քաղաքումը ապրեցնես։ Եւ վերջապէս տղայքդ ուսումը ինչ կանեն. թող գործը տեսնեն՝ աչքերը վարժելի, որ յետոյ լաւ գործաւորներ դառնան»...

Բայց Սիմոնս, չէ, կամաց-կամաց փշալնում էր։ Մէկ օր էլ տեսնեմ՝ քաղաքիցը հարբած է եկել... «Սիմոն, այդ ինչ է, հարբելի ես սկսել»... Թէ՛ «Աղա, տօն օր էր, մի քիչ քէֆ արի»... Տեսնը գու։ Գործաւոր է, հազիւ 20 բուբլի ոտճիկ ունի ու քէֆ էլ է անում... Մի ուրիշ օր էլ տեսնեմ՝ հիւանդացաւ։ Բժիշկը եկաւ, ասաց՝ որ Սիմոնը շատ է գործում, պիտի սովորական ժամերից դուրս՝ չ'աշխատի... —Այդտեղ ես ինչ մեղաւոր եմ.

ինքն էր ուզում փող շատ աշխատել՝ գիշեր-
ներն էլ էր բանում...—Ի՞նչ, հարցնում էր թէ
դրա համար առանձին վճար ստանում էր...
—ձմարիտ, չեմ յիշում...—Եւ ինչո՞ւ պիտի
ստանար. քսան ըուրլին հերիք չէր... Բայց
ես արգելեցի նրան գիշերները բանել: Եւ ի՞նչ
էք կարծում, մի քանի օրից յետոյ լսեցի՝ թէ
գնում է ուրիշ գործարան և գիշերները բա-
նում, որ ի՞նչ է, աւելի փող ստանայ:—Տես-
նում էք անպիտանին: Կանչում եմ, յանդի-
մանում:—«Անպիտան,—ասում եմ.—դու քեզ
չե՞ս խնայում. և վերջապէս ուրիշ տեղ բանել
ի՞նչպէս ես համարձակում: Սիմոնս թէ՛ «բաս
ի՞նչ անեմ, աղա, քսան ըուրլին չի հերիքում,
երեխէքքս հաց են ուզում, կնիկս՝ չոր»—«Ծնն
կորիք,—ասում եմ.—փողդ որ խմելու չըտաս՝
կըհերիքի»: Նա թէ՛ «Աղա, մէկ անգամ խմելս
տեսել ես, այն էլ մի բան էր՝ անցաւ. ես չեմ
խմում»... Ի՞նչպէս չէ: Սուտ էր ասում: Մի
անգամ խմողը էլի կըխմի:—Ի՞նչ էք ասում:—
Սխալ եմ մտածում...—Ո՛չ, դուք էք սխալ-
ւում. լսեցէք և կըտեսնէք:

Ու արգելեցի Սիմոնին՝ գիշերը ուրիշ
տեղ բանելու:—Սիմոնն էր՝ այնուհետև ամեն
օր գլուխ տանում էր թէ՛ «փող չունեմ, ու-
ճիկս քիչ է, տղերքս տկո՞ր են, կինս շոր չու-
նի»...—«Տօ՛, կնիկդ որ շոր է ուզում, թող
ինքը գնայ աշխատի. ասում ես՝ առողջ է,

թող ուրեմն փող շահի»:—Թէ՛ «բաս ո՞վ տղեր-
քը պահի»... Յիմար են, յի՛մար. տղերքը պա-
հելս որն է. թող խաղան ողջ օրը. մի քանի
շահի էլ որ դրացի ուս կնկան կամ աղախ-
նին տաս՝ աչքը վրաները կըպահի:

Խօսքս լսելքին մտաւ: Խելօք խօսք էր—
ինչո՞ւ չըմանէր: Կնիկն էր, գնաց ու առաջ
կառավարչիս մօտ սկսեց բանել: Կառավարչիս
կնիկը նրան շատ գովեց ինձ. ասաց՝ լաւ բա-
նող է: Մի օր էլ ես տեսայ: Լաւ բանում էր.
բայց աւելի լաւ՝ սիրուն կնիկ էր. առողջ,
թուշերը կարմիր, աչքերը մեծ-մեծ... Տես-
նում էք էդ աղքատներին.—ուտելու հաց չու-
նեն՝ գնում են սիրուն կնիկ առնում... —Մի
օր էլ Սիմոնին ասի, որ կնկանը ուղարկի քա-
ղաք ինձ մօտ՝ մեր պուերը սրբի: Կնիկն էլ ե-
կաւ, ես ու իմ Աստուծօր, լմա աշխատեց, պո-
ւերը սրբից... Ես էլ խղճալով՝ 5 մանէթ տւի.
Սիմոնի ուճիկն էլ 25-ի բարձրացրի...

Կնիկը մի քանի օր էլ եկաւ, շորերս
կարեց... —Մի օր էլ, ի՞նչ մեղքս պահեմ, որ
տեսայ նրա սիրուն աչքերը՝ քէֆս եկաւ. հա-
նեցի ու տասանոցը կօխեցի ձեռքին... Առաջ՝
«ջեմ-ջեմ» արաւ, յետոյ, որ վախցրի թէ մար-
դուն դուրս կանեմ՝ խօսքս կատարեց... Ու
մի ուրիշ տասանոց էլ տւի...

Այնուհետև շաբաթը մի օր ինձ մօտ էր
գալիս, մի կարմիր տասանոց առնում ու

գնում... —Եւ Սիմոն լաւ կառավարում էր, էլ չէր գանդատուում...—Ասում էր կեղտոտ բան եմ արել... Կեղտոտ... —Խնդրեմ, խնդրեմ... Դուք ծիծաղելի էք, ճշմարիտ. չէ՞ որ զբանով ես բարեգործութիւն արի Սիմոնի որպոյցը քաղցած չըթողի...—Ասում էր արածս բարեգործութիւն չէր...

—Բայց խօսքիս վերջը լսեցէք: Սիմոն գնալով՝ փոխուեց, փշացաւ: Չըզիտեմ ինչո՞ւ՝ գործից սառեց. էլ խօսքս չէր լսում, մէկ մէկ էլ, մինչև իսկ, դէմ էր խօսում... Այդպէս են ահա գրանք. հէնց որ մի քիչ լաւ ապրուտոն են ունենում, մի քիչ էլ քաղցր ես վարում հեռաները՝ իսկոյն երես են առնում, հալարտանում են, ծուլանում... Սիմոնս այնուհետեւ գործին ուշ էր գալիս, շուտ էր դուրս գնում: Ո՛չ յանդիմանութիւն, ո՛չ էլ միշտ տուգանք՝ օգուտ չ'արին. դուրս հանել չէի ուզում. կնիկը աղաշում էր, մեղքս էր գալիս, խղճում էի որդկերանցը...

Ու թողի որ Սիմոնը ուզածն անէր: Կռնավարչին էլ խնդրեցի, որ նրան հանդիսա թողնէր... Սիմոնը սուկի երես առաւ. այժմ օրերով գործի չէր գալիս: Կնիկն ինձ մօտ աշխատում էր, իսկ ինքը՝ գինեաներում բաշ էր գալիս, խմում ու հարբում... Ռոճիկը կարում էինք, հայհոյում, կուում,—բայց

որին կասես: Հէնց որ փողը ստանում էր՝ խմում էր, հարբում, փողոցներն ընկնում...

—Ինչ ասացիք... Ասում էր այժմ ուր է...—Ո՞ւր պիտ լինի. մեզ մօտ է դու. կնիկը գործում է ինձ մօտ՝ իրեն էլ խղճում ենք. այդպէս՝ ապրում են... —Ես բարի սիրտ ունեմ, նրանց խեղճ չեմ թողնում. բարեգործութիւնը սիրում եմ...—Բարեգործութիւնը, այո՛, շատ աղելու բան է...—Փողովին... Այո՛, կըզամ, անպատճառ կըզամ և այնտեղ կըխօսեմ էլ...—Ասացիք նիւթն ինչ է...—Թըշառների մասին մտածել...—Օ, այո՛. դա շատ լաւ միտք է... —Գըզամ անպատճառ... Ի հարկէ, ինչ կայ աւելի բարձր մարդասիրական՝ քան մտածել թշառների մասին...

Եւ ես, բարեգործ պարոն, պարտք եմ համարում այդ բարձր—մարդասիրական բարեգործութիւնը՝ անմահացնել այս գըրքի էջերում:

II

ԱՌԱՍՏԱԶԵՌՆՈՒԹԻՒՆ.

Սրանից շատ տարիներ առաջ, պատահեց՝ որ ես մի գործարանում գլխավոր հաշվապահի պաշտօն ստացայ: Հարուստ դրամատիրոջ գործարան էր:

Ընկերներ ունէի գրասենեակում. ոչ մէկի ոչ ազգանունն եմ յիշում և ոչ էլ դէմքը: Յիշում եմ միայն—և այն էլ նոր պատահած մի դէպքի առթիւ—ամենափոքր գրագրին, մթերանոցի հաշվապահին:—Երկարահասակ, շիւ աչքերով շոր երիտասարդ էր. լուռ, խոնարհ ու քծնող:

Սովորութիւն ունէինք—երեւի ես էի ներմուծել այդ սովորութիւնը—որ գործարանի գործերի դադարելուց յետոյ, դեռ դուրս չէինք գնում գրասենեակից, այլ միասին, բոլոր ծառայողներս, սկսում էինք զանազան,

գործարանին շրվերաբերող, նիւթերի վրայ խօսակցել. օրինակ՝ գրականութեան, թատրոնի, լրագիրների... Մի օր էլ, մինչև լակ, քիչ աւելի ոգևորած, վճռեցինք մի լամբակ կազմել, փող հաւաքել և գրքեր հրատարակել:

Մթերանոցի հաշվապահը միշտ լուռ՝ ներս էր մտնում, կծկում վառարանի կողքին և առանց մի բառ արտասանելու՝ լսում էր մինչև վերջ:

Այդ երեկոյ, երբ ոգևորւած՝ վճիռը կայացրինք և քիչ հոգեպէս բաւականութիւն ստացած տուն էինք գնում, լսեցի թէ ինչպէս, մթերանոցի հաշվապահ Յովհաննէսը՝ հարցնում էր իմ օգնականներից մէկին.

—Այդ բոլորը շատ լաւ, բայց մեզ համար այդ քաղիքից զխարկ կարո՞ղ ե դուրս գալ...

Երկար շրհասկացայ այդ ոճը: Բայց յետոյ, ամիսներ յետոյ, երբ հաշվապահս սկսեց շափից աւելի «գլխարկներ հանել» մթերանոցի մէջ եղած «քաղիքներից», և երբ ես ստիպւած էի արտաքսել նրան, այն ժամանակ միայն ըմբռնել էի այդ ոճի միտքը...

Բայց այս բոլորը ինչո՞ւ յիշեցի՝ տանի-
ներ անցնելուց յետոյ, Պատճառը անա թէ
ի՞նչ էր:

Սըրանից մի քանի ամիս առաջ, երբ
դըօնում էի ծովկղերեայ քաղաքներից մէկի
պարտէզում, բաղմութեան մէջ, սեղանի առաջ
նստած տեսայ երկու անձի, որոնցից մէկի
հետ ծանօթ էի.

Բարեկեցի և ուղեցի հեռանալ:

—Սպասեցէք,—բռնեց ինձ ծանօթս,—
միթէ այս պարոնին չէք ճանաչում. նա ձեզ
լաւ յիշում է:

Հետաքրքրած նայեցի: Հասակաւոր անձ
էր. նիհար, շոր, քիչ շիւ. շատ կանոնաւոր և
մինչև իսկ հարուստ էր հազնւած. ժպտելով
ինձ էր նայում:

—Չեմ յիշում.—ասացի:

—Նստեցէք մեզ մօտ,—ստիպեց ծանօ-
թըս,—պարոն Յովհաննէսը ձեզ շատ լաւ ճա-
նաչում է, երբ մեր քաղաքումն էիք... Ապա,
մէկ վաւ նայեցէք...

Երկուսն էլ ծիծաղում էին:

Որքան պրպտեցի յիշողութիւնս, չըկա-
րողացայ յիշել: Դէմքը սակայն, նմանեցրի
մէկին և ասացի.

—Ներեցէք բայց, այդ դէմքը յիշեցնում
է ինձ մի ծառայողի, որ ինձ հետ էր սրանից

10 տարի առաջ և ծառայում էր մի գործա-
բանում... Բայց...

Ու չըշարունակեցի, վերաւորել չըկամե-
նալով:

—Ձեր գործարանի միջերանցի հաշւա-
պահին յիշեցիք, չէ...—խօսեց անծանօթը.—
լաւ ուրեմն, չէք սխալել. ես նա եմ...

—Դուք Յովհաննէսն էք.—գոչեցի դար-
մացած:

—Այո,—ժպտեց նա.—ձեր խոնարհ ծա-
ռան և ձեր շնորհիւ այժմ վաճառական եմ և
նչ թէ հաշւապահ:

—Ի՞նչ էք ասում. դուք վաճառական էք
դարձել:

—Եւ բաւական հարուստ վաճառական,—
մէջ մտաւ ծանօթս.—պ. Յովհաննէսը այժմ
Մոսկա է գնում՝ ապրանք բերելու իրանց
խանութի համար. ընկեր է մի վաճառականի
հետ:

Յանկարծ յիշեցի «Թաղիքից գլխարկ
հանելը»:

—Ի հարկէ,—ժպտեցի,—չի մոռանալ պա-
րոնը՝ այդ Թաղիքից իր համար գլխարկներ
հանելը...

«Պարոն» Յովհաննէսը բարձրաձայն ծի-
ծաղեց, յետոյ մէկէն լրջացաւ և ծանրութեամբ
ասաց.

—Լսեցէք ի՞նչ կասեմ ձեզ, պարոն

գրող... Ձեր կարծիքով ի՞նչ բան է կեանքը.
դուք ուսումնական էք, լաւ կը գիտենաք:

Ու հեզնօրէն ինձ նայելով՝ սպասեց:

— Կեանքը, — ասացի — մի խայտառակ
խեղկատակութիւն է, որում յաճախ սողունը՝
թռչունն և թռչունը՝ սողուն է դառնում...

Կարծեցի թէ լաւ էի խայթել: Հեզնա-
կան ժպիտն աւելացրեց և քիչ լուելոց յետոյ՝
ասաց.

— Իսկ ես ուրիշ երգ կ'երգեմ և իմ երգը
աւելի լաւն է: Կեանքը, պարոն, թաղիք է. և
վնայ նրան, ով շի աշխատիլ այդ թաղիքից
զլխարկ հանել իր համար:

— Ամեն միջոցներով:

— Ամեն. — պնդեց Յովհաննէսը: — Մարգը
նա է, որ մկրատը միշտ ձեռքին պատրաստ՝
առիթը շի փախցնիլ իր բաժինը հանելու:
Քի հարկէ, նայելով ժամանակին՝ լուռ, դադա-
նի, սողոսկելով կամ աչքակապութեամբ. երբ
յարմար լինի՝ շառաշխունով, ազատ, համարձա-
կութեամբ պիտի կտրել աջ ու ահեակ...
Կեանքը, պարոն, թաղիք է և ով մկրատ շի
ունենալ, և կամ, ով մկրատ ունի և կտրել շի
կարողանալ՝ քաղցած կը մնայ... — Խնդրեմ ա-
սացէք ինձ, պարոն գրող, ի՞նչ կանէք, եթէ
անօթի էք և ձեր առջև կայ համով ուղեղ,
միայն կարծր ոսկորի մէջ թագցրած:

— Ոսկորը կը կոտրեմ, դրանից էլ պարզ
բան:

Յովհաննէսը ծիծաղեց և շիլ աչքերը
հեզնութեամբ ուղղեց ինձ:

— Հը՛մ — արեց նա. — Իսկոյն երևում է, որ
դուք կեանքի մարդ չէք: Ես ուրիշ կերպ կը-
վարէի: Խոստովանեցէք, որ «ոսկորը» կտա-
րելու համար՝ մեծ ոյժ է հարկաւոր. մի ոյժ,
որից շատերը չունեն: Իմ գործ դրած միջոցը
չատ աւելի հեշտ է և ճարպիկ: — Կըզնեմ
առաջս մի կակուղ հացի կտոր, ոսկորը շուռ
կըտամ և հանդարտ ու համբերութեամբ
այնքան կը խփեմ հացին, որ բոլոր ուղեղը,
մինչև յետին կտորը՝ դուրս կըտամ: Այդ-
պիսով ուղեղից ոչինչ չեմ կորցնիլ, ոյժ չեմ
գործ դնիլ, այլ և ոսկորը կտարելու դէպքում՝
աչքս հանելու վտանգից էլ գերծ կը մնամ...
Մրան ինչ կասէք:

— Կոլումբոսի ձուին նմանեց. ասաց ծա-
նօթս ծիծաղելով:

— Հէնց բանն էլ դրանումն է, — շարունա-
կեց Յովհաննէսը. — կեանքը ուղեղով լի մի կար-
ծըր ոսկոր է: Ով վարպետութեամբ կը հանի
ծըր ոսկոր է: Ով վարպետութեամբ կը հանի
ուղեղը, նա կը կշտանայ. ով կ'աշխատի ուղեղ,
կտրուկ միջոցներով հանել, նա կը վտանգւի և
ուղեղը ցրելու հաւանականութեան մէջ կը-
լինի միշտ...

Մէկէն, այդ բոլորը այնքան կեղտոտ

հնչեց ահանջիւ, որ դարի ելայ մեկնելու:

— Գնում էք, — սասց Յովհաննէսը. — բայց ես ձեզնից մի բան էի որդում հարցնել:

— Ասացէք. կանգ առի և սառը կերպարանք ստացայ:

Նա լռութեամբ քիչ նայեց ինձ, յետոյ համարձակ ժպիտ դէմքին՝ սասց:

— Կարդացի, որ մի ինչ որ վէպ ունիք և հրատարակիչ էք որոնում: Որքան արդեօք ծախս կրնոտի:

— Ձեր կնիչին է պէտք:

— Դուք սասցէք, — շարունակեց նա աւելի համարձակութեամբ. — ուղում եմ իմանալ:

— Մօտ 500 բուրլի:

— Լաւ ուրեմն, ես ձեզ համար կըզտնեմ հրատարակիչ:

— Գուցէ դուք էք:

— Ե՛ս... Ոչ. կարող էի անել, բայց

մտադիր չեմ. այդ թաղիքներից օգուտ չըկայ.

գլխարկ հանել չի կարելի: Բայց ես մի ծա-

նօթ վաճառական ունեմ և նա սիրում է այդ-

պէս բաներ անել. կըհամոզեմ՝ որ յանձն առ-

նի հրատարակելու:

— Եւ, ի հարկէ, — սասցի ես զզւանքով. —

չէք մոռանալ այդ թաղիքից էլ ձեզ համար գլխարկ հանելու:

Յովհաննէսը քիչ լռեց, շրթունքները պրկեց, յետոյ դարի ելաւ և սասց:

— Այո, կըհանեմ... Ասենք ես այս իզուր եմ ստում ձեզ. դուք, միևնոյն է, չէք հասկա-

նալ: — Համաձայն էք գըւածքը տալ:

Նայեցի երեսին և առանց մի բառ աւե-

լացնելու՝ հեռացայ: Մթերանոցի փոքրիկ հաշ-

ապահը իմ գրիչն իբր մկրատ էր ուղում գործածել՝ իր համար գլխարկներ հանելու...

Անշուշտ այժմ Յովհաննէսը ծիծաղում է, որ ես չ'օգտուեցի իր առատաձեռնութիւնից:

Բայց, պարոն Յովհաննէս, դարձեալ կարող ես «Թաղիքից գլխարկ հանել», որովհետեւ ա-

ռատաձեռնութիւնդ անմահացում եմ այս գրքի էջերում...

Վրեման-վրեմ ցոյս մարտ զգոյց՝ մի պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

պիտոյ պիտոյ պիտոյ պիտոյ պիտոյ պիտոյ

ճաշից առաջ՝ իր շինել տաժ եկեղեցին ցոյց տալու տարաւ և խօսք առաւ՝ որ զրեմ նրա այդ «մեծ գործի» մասին:

Գրիգոր աղային դուք չէք ճանաչում: Ուրեմն նրա գիւղաքաղաքն էլ չըզիտէք: Հարուստ, շատ հարուստ մարդ է Գրիգոր աղան. ունի տներ, կալածներ և մի լաւ խանութ: Հօրիցը սշինչ չէ ժառանգել—չըկարծէք այդքան ողորմելի մարդ է Գրիգոր աղան—հայրը հասարակ կօշկակար է եղել, որ մեռել է պարտքով: Բայց որդին: Նա այժմ արդէն յիսունի մօտ է, բայց յիսուն հազարից աւելի կանխիկ փող ունի. աղջիկն էլ—միակ որդին—մի հարուստի վրայ է պսակել: Ինքն է, իր կինը, մի թիւրքահայ որբուկ որդեգիր առած:

Չատ վատ-վատ բաներ են խօսում գիւղաքաղաքում Գրիգոր աղայի մասին, ծածուկ փսփսում: Ասում են՝ որ իբր թէ ողջ գիւղաքաղաքը նա է աղքատացրել, ամենքի արիւնը ծծել, մուրհակներով ու տոկոսներով իրեն գերի դարձրել:

Բայց, դէհ, ինչ արած, մարդը խօս եկեղեցի է շինել, կաթուղիկոսից օրհնութեան կոնդակ ստացել... Այժմ էլ իր համար հանգիստ նստել է, շահածը կրկնապատկում...

Անուշներ, Գրիգոր աղա, միամիտ կաց, շինածդ եկեղեցին շքեղ է...

—Ասացէք խնդրեմ, Գրիգոր աղա.—հարց-

III

ՋԵՐՄԵՆՈՍԵՆԴՈՒԹԻՒՆ

—Ի՞նչպէս է, վարժապետ, հաւանում ես շինածս եկեղեցին:

—Չքեղ է, Գրիգոր աղա, շատ ծախս է նստել:

—Ճիշտ 30,000... և՛ աղօթեցէք... Չատ է, չէ:

Ու Գրիգոր աղան, որ տեղի-անտեղի, գլխին մեխւած այդ «Շ. աղօթեցէք» բառերը կրկնում էր, դարթ ու հպարտ՝ ծիծաղեց:

Նւ իրաւ, չքեղ էր եկեղեցին, որ ես տեսայ այդ գիւղաքաղաքում: Չքեղ էր՝ տեղին համեմատ: Գիւղաքաղաքը ողորմելի էր. ընդարձակ, պարտիզալից, բայց ժողովուրդը աղքատ և տները հին, խարխուլ: Միակ լաւ տունը Գրիգոր աղայինն էր, միակ լաւ հագնւած անձը՝ Գրիգոր աղան էր:

Նրբ ինձ տեսաւ իրանց գիւղաքաղաքը այցի եկած, խօկոյն ճաշի հրաւիրեց: Բայց,

նում եմ—ինչո՞ւ էք շինել այս եկեղեցին:

—Ե՛ւ աղօթեցէք...—զարմայաւ նա.—
եկեղեցին ինչո՞ւ կը շինեն. աղօթելու հա-
մար: Մէկ էլ որ, ուզում եմ յիշատակս
մնայ մեր քաղաքում:

—Հա՛... յիշատակդ... այդ լաւ է:

—Ի հարկէ.—հպարտացաւ նա—մէջն էլ
եմ ես զարդարել, և՛ աղօթեցէք... Պատկեր-
ներն էլ իմն է. կաթուղիկոսից էլ օրհնու-
թեան կոնդակ եմ ստացել...

Եւ տանում է ինձ ճաշի:

Քայց երբ տուն մտանք, սրահի դռան
կողքին, կոշիկները հանած՝ նստել էին երեք
հնամաշ հագուստներով տեղացիք: Մեզ տես-
նելուն պէս՝ ոտքի ելան և խոնարհ՝ բարեկեցին:

—Հա՛, —ասաց նրանց աղան—ինչ էք
ուզում:

Յետոյ դարձաւ ինձ և աւելացրեց.

—Վարժապետ, դուք մի քիչ պիտի
ածէք, մինչև ես տեսնեմ սրանք ինչ են ու-
զում:

Հասկացայ: Աղան չէր ուզում, որ ես նը-
րանց խօսակցութիւնը լսէի: Դաշնամուր ու-
նէին. աղան բերել էր տւել իր ամուսնացած
աղջկայ համար. ամառներն այդ աղջիկը գա-
լիս էր իր հօր մօտ մնալու:

Նստեցի և փոխանակ եղանակ նւագելու,
միմիայն աններդաշնակ ձայներ էի հանում և

միւս կողմից ականջս խօսողներէ կողմն էի
ուղղել:

—Հը՛, փո՞ղ էք բերել,—հարցնում էր ա-
ղան:

—2է, աղա,—ասաց մէկը.—եկել ենք
խնդրելու, որ մի քիչ էլ ժամանակ տաս. քէ-
սատութիւն է, գործ չըկայ, առևտուր չըկայ.
մուրհակները նորոգենք:

—2է, ախպէր, էդ չեղաւ: Հերիք է, և՛
աղօթեցէք... Փողս բերէք՝ ու պրծնի գնայ.
արդէն էրկու անգամ նորոգել ենք մուրհակը:

—2՝ունինք, աղան, Աստուծ է վկայ՝ որ
չունինք,—խօսեց երկրորդը.—այս քէսատու-
թեան ժամանակ, ես օրինակ, 400 ըտրլի սը-
տեղից վճարեմ:

—2 սրս հարիւր, և՛ աղօթեցէք... գոչեց
աղան.—ըոնը 600 է, ո՛չ թէ 400...

—Ես տոկոսը չէի հաշուում...

—Մուրհակի մէջ 600 է գրած. ես տո-
կոս-մոկոս չըզիտեմ...

Այստեղ նա ինձ դարձաւ. երկի կասկա-
ծեց, որ լսում էի իրեն:

—Վարժապետ,—ասաց նա.—եւրոպական
եղանակներ ածիր, ասիականները չեմ սիրում:

Ոչինչ չէի նւագում, բայց զարմացայ:
Ասիացի աղան և եւրոպական եղանակի սիրա-
հար:

—Ի՞նչպէս,—դարձայ նրան կիսովին.—

ասիական եղանակներ չէք սիրում:

— Զն, չեմ սիրում, և՛ աղօթեցէք... Վայլս՝ բան ածիր, թէ չէ՝ շահնաղ, բայաթի՛ դրանք կոպիտ, գիւղացու բաներ են... դըրանք մօզա չեն— ուամիկի եղանակներ են...

Քիչ մնաց ծիծաղէի. դսպեցի ինձ և սկսեցի մի բան նազել:

— Աղս, — ասում էր այդ միջոցին եկուորներից մէկը. — հրամանքդ լաւ գիտես, որ այս տարի ամեն գործերը լաւ շրջնացին. այգին բերք չըտաւ, առևտուրս վատ գնաց, տան մէջ հիւանդ ունէի... Խնդրում եմ, մուրհակը փոխենք և... և մի քիչ էլ տոկոսը պակասացրու...

— Ի՞նչպէս, ինչպէս, և աղօթեցէք (գոչեց նա «և աղօթեցէք»-ը հայհոյելու շեշտով)... տոկոսը քիչ... 25-ից էլ քիչ... չէ, ախպէր. իմը այդ է. ես էլ ընտանիք ունիմ, խեղճ մարդ եմ... ձեզ համար էլ եկեղեցի եմ շինել...

Այլ ես չըլսեցի. աղան երևի զգաց՝ որ ես ձգտում եմ լսելու: Խօսքը՞ ընդհատեց, թէ կամաց ձայնով մի բան ասաց նրանց— շրգիտեմ. միայն մի բոպէ ոչինչ չըլսելուց յետոյ, ականջիս գիպաւ նրա ձայնը, որ ասում էր.

— Լաւ, լաւ, այժմ գնացէք, յիտոյ կըդար. հիւր ունիմ դեռ...

Ահա ուրեմն թէ աղան ինչպէս էր դի-

գել իր հարստութիւնը, սրտեղից էր իր տունը, կալածները, այն դաշնամուրը՝ որի վրայ ես նազում էի և վերջապէս այն չքեղ եկեղեցին, որի համար նա օրհնութեան կոնդակ էր ստացել:

Հազիւ ճաշել կարողացայ, թէև աղան ամեն կերպ պատուում էր ինձ, որպէս զի լաւ գովեմ իր բարեգործութիւնը, շինած եկեղեցին...

Ու երբ անցնում էի այդ եկեղեցու առջևից, պատկերացաւ ինձ այդ սարդը, որ արևնոտ ճահկերով, արևն-քրտինքոտ շողախով էր ծեփել Ասածու տաճարը, կամենալով նրան էլ խարել. պատկերացաւ սարդը իր արևնոտ շրթունքներով՝ եկեղեցու պատերը, դուռն ու պատկերները համբուրելիս.

— Ե՛ւ աղօթեցէք... ես եմ շինել այս եկեղեցին...

Այո, Գրիգոր աղա, և՛ աղօթեցէք... քո շինած եկեղեցին պարտք եմ համարում անմահացնել այս գրքի էջերում: Խոստացի էի քեզ այդ...

Մ Ա Յ Ր Ի Ա Ն Տ Ա Ռ Ո Ւ Մ

(Ե Ր Գ)

Սահուն, լպրծուն է այն դառիվայրը, որով ճգնում եմ անտառի սիրաը մտնել: Լպրծուն է ամեն կողմ. գեանի վրայ փուլած մայրու փշածե գեղնած փշերից ցորենի գոյն է ստացել անտառի յատակը: Նոյն ցորենագոյն սուերը գծւած է իւրաքանչիւր ծառի մշաղալար ոստերի վրայ:

Գետինը ծածկւած է գորշ կոծիծներով: Վերևում, ամեն ճիւղի ծայրին գորշ բիծ են դրել սրճագոյն նորածիլ կոծիծներ՝ շրջապատւած երկճիւղ ասեղիկներով: Ծառերի բների վրայ փշրւած ոստերի մնացորդներէց աստիճաններ են կազմւել և վերևում, ուղղաձիգ, բարձր, հետզհետէ բարակացող ոստերի շքեղ կոյտեր, մէջ տեղից ուռեցած՝ ծայրերով՝ սրանում են դէպի կապտութիւնը: Խուլ անտառում այդ բոլորը խորհրդաւոր մթութիւն է ձգել. բարձունքներում շնջում են

ճիւղերը՝ նման հեռացող և մօտեցող ջրերի շառաչիւնի:

...Գեղեցիկ է բնութեան մէջ ամեն ինչ. յետին ծառն ու անկիւնը, խոտն ու շիւղը գեղեցիկ է. գեղեցիկ է նոյն իսկ մահը և ծերութիւնը նրա մէջ:

...Ուրան գեղեցիկ կըմնային այդ ամենը, եթէ արարածները չըկոխտէին միմեանց, չ'ապականէին, չըխեղաթիւրէին իրանց ընդհանուր մօր զաւակներին: Քայլում է արարածը՝ ճգնում է հաճոյքի համար, հրէշացնում է՝ տգեղութեան սիրոյ բնադրմամբ...

...Յիշում եմ թէ ինչպէս մի օր ժընեւացի մի մանուկ, բնութեան գեղեցկութեան կողմից՝ աւաւ ինձ առաջին ապտակը, երբ մարդկային աւերիչ հակումս կորտում էր ծաղիկներ և պոկոտելով ու տրորելով զարճանում:

—Պարոն,—ասաց նա ինձ—միթէ մեղք չէ այդպէս վարել ծաղիկները հետ:

Ձարմացել էի:

—Նւ միթէ,—շարունակեց նա,—չէր լսում այդ ձեր՝ կեանքից զրկած արարածները լացը:

—Ի՞նչպէս—ասացի զարմացած—ծաղիկները լաց են լինում:


—Այո,—պնդեց նա.—մայրս է ասել ինձ. ամեն գեղեցկութիւն, երբ աւերում են նրան՝ արտասուում է. մենք այդ չենք

լսում, որովհետև չար մարդը ականջ և սիրտ
չէ ունենում...

Մանուկը մանկաբար ասաց. փափկա-
սիրտ մօր խօսքերը կրկնեց ինչպէս ըմբռնել
էր: Բայց սիրտս հասկացաւ այնպէս՝ ինչպէս
ասել էր...

...Ամեն գեղեցկութիւն արտասուում է,
երբ աւերում են նրան. մենք չենք լսում
լացը, որովհետև չարը՝ ականջ և սիրտ չէ
ունենում...

Եւ այնուհետև կարծես, ամեն բանի ա-
ւերած գեղեցկութեան լացը, ուր որ լինի նա,
համում է ականջիս. որովհետև չար չեմ, ո՛չ,
և որովհետև ունիմ ականջ ու սիրտ... Լսում
եմ հաշմած ծառի հռուշը, վիրաւոր խոտի
հեկեկանքը, լսում տրորած բնուրան սիրտ
ճնշող լացը՝ լինի նա մայրի անտառում կամ
մարդկային հասարակութեան մէջ...



«Ազգային գրադարան»



NL0363732

58.999